

# TAEKAN TE ONIMAKI

ANA EKARETIA IESU KRISTO IBUKIIA AIKA ITIAKI NI BOONG AIKA KAITIRA

**1** Ti kokoauaa te Atua, te Tama ae akea tokina, Natina ae Iesu Kristo, ao te Tamnei ae Raoiroi.

**2** Ti kokoauaa ae a na katuaeaki aomata nako ibukin oin aia bure, ao tiaki ibukin ana bure Atam.

**3** Ti kokoauaa ae man te kabara bure rinanon maten ao mangautin Kristo, a konaa iai aomata nako ni kamaiuaki, n te ongeaba nakon tuua ao otenanti n te Euangkerio.

**4** Ti kokoauaa bwa moan iango ao otenanti n te Euangkerio bwa: te moan, te Onimaki inanon te Uea ae Iesu Kristo; te kauoua, te Rairannano; te kateniuia, te Bwabetito ni kateboaki ibukin kabwaraan buure; te kaaua, te Katokabai ibukin ana bwai n tituaraoi te Tamnei ae Raoiroi.

**5** Ti kokoauaa bwa e weteaki te aomata iroun te Atua n te taetae ni burabeti, ao man te katokabai irovia ake iai irouia te kariaiakaki, bwa e na tataekina te Euangkerio ao n ira karaoan taian otenanti nako.

**6** Ti kokoauaa te bootaki are maiu ngkoa inanon te Ekaretia ni Kawai, aika abotoro, burabeti, mitinare, taan reirei, minita ao tabeman riki.

**7** Ti kokoauaa te bwai n tituaraoi n neewe, taetae ni burabeti, kaotioti, mii ni burabeti, katoki aoraki, kabwarabwaraan neewe, ao tabeua riki.

**8** Ti kokoauaa te Bwaibwara ae ana taeka te Atua ngkana e eti rairana; ti kokoauaa naba Ana Boki Moomon bwa ana taeka te Atua.

**9** Ti kokoauai bwaai nako ake kaoti te Atua, bwaai ni kabane ake kaoti ngkai, ao ti kokoauaa bwa E na manga kaoti bwaai aika korakora ma ni kakaawaki aika na kaineti ma Uean te Atua

**10** Ti kokoauaa manga ikotakin Iteraera ao kaokakin baronga ake tebwina; ao bwa Tion (te Ierutarem ae boou) e na kateaki iaon te kontenanti ae Amerika; ike e na uea iai Kristo iaon te aba; ao, e na manga kabouuaki aon te aba man karekei mimitongin te bwaretaiti.

**11** Ti tangira te inaomata n taromauriia te Atua ae moan te mwaaka ni kaineti ma ara iango, ao ni kariaia aomata nako te inaomata anne, bwa a na taromauri ni kangaa, n te tabo raa, ke n te aro te raa.

**12** Ti kokoauaa ae ti kabaeki nakoia ueea, beretitenti, taan tautaeka, ao taan moti, n ongotaeka ni karineia, ao ni boutokaa te tua.

**13** Ti kokoauaa ae ti riai ni kookoaua, n etieti, n itiaki, n akoi ao ni ibuobuoki, n rabakau ao ni kakaraoa ae raoiroi nakoia aomata ni kabaneia; ti na atongnga ma te koaua bwa ti a tia ni kokoauaa n taua te mwioko are tataekinna Bwauro---Ti kokoauai bwaai ni kabane, ti kantaningai bwaai ni kabane, ti a tia n ribuakon kangaangan bwaai ni kabane ao ti kantaningaia bwa ti na kakoroi bukin bwaai ni kabane. Ngkana iai te bwai ae raoiroi, ae kakateke, ke ae tamaroa rongorongona, ke e kamoamoaka boni bwaai aikai aika ti ukoukori.

ANA EKARETIA  
**IESU KRISTO**  
IBUKIIA AIKA ITIAKI  
NI BOONG AIKA KAITIRA

